



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Evangelistarivm M. Maruli Spalaten. opus vere  
euangelicum, sub fidei, spei & charitatis titulis in septem  
libros partitum**

**Marulić, Marko**

**Coloniæ, 1532**

**VD16 M 1298**

De gustu. ca. 23.

**urn:nbn:de:hbz:466:1-35578**

tam, & si inueneris, qd per multas tribulationes oportuit illos intrare in regnum dei, impossibile esse crede, vt voluptarij ac delicati, nisi pœnitentiam agant, & mores mutent, & laboribus magis quam otio luxuriaque delectentur, eo possint conscendere & de temporalibus delitijs repente ad æternas transire.

## De gustu. Caput xxiii.

**G**ustus quoque continendus est ne crapulæ appetentia polluarur animus. Gulæ quippe ista voluptas cum dominari cœperit, ad quæque turpia & inhonesta hominem impellit, multisq; afficit incommodis. Gula Noe pudenda detexit, Gula Loth stupratorem filiarum fecit. Gula Esau primogenituræ ius abstulit. Gula populum Israel magna ex parte repentina nece multauit, Gula filios Heli sacerdotis pdidit. Gula Helam regem Israel serui sui gladio interimendū obiecit. Gula Holophernem Assyriorum ducem vnus mulierculæ manu perire fecit. Gula Sodomitas & Gomorrhæos prius in nefandos egit concubitus, deinde igne, & sulphure de cælo pluyente extinxit, gulæ vitio id illis accidisse dominus testatur in Ezechiele, dicens, Hæc fuit iniquitas Sodomæ, superbia, saturitas panis, & abudantia, & otium ipsius & filiarum eius. Eodem sensu in Ieremia idē ait, Saturauit eos & merchati sunt, & in domo meretricis luxuriabantur. Ex quo satis constat, de ventris ingluute gigni libidinis intemperiem. Cum igitur tot mala ex incontinentia gulæ deriuentur, multo tamen ærumnosiora his deinde sequuntur. Quid enim miserius quam æternæ beatitudinis expertem fieri, & nunquam finiendis affligi supplicijs? Ebriosus, inquit Apostolus, regnum dei non possidebunt. Et in euangelio seruus contumax atq; temulentus diuidi iubetur, hoc est a sanctis separari, & illic hypocritarum partem occupare vbi est fletus, & ex dolore irregetus dentium stridor. Qua in re quoniam tantum est periculi vt amplius effenequeat, salutis nostræ sollicitus dominus de euangelio clamat, Attendite vobis ne gra

Noe.  
Loth.  
Esau.

Ezec. 21.

Ierem. 5.

i. Cor. 6.

Mat. 24.

uentur corda vestra in crapula & ebrietate & curis huius vitæ, & superueniat in vos repentina dies illa. Sed de gulæ vitio alibi plenius locuti sumus, nunc summâ perstrinxisse satis sit. Vitio autem isto carebimus, si eos imitari voluerimus qui deo placuerunt. Pensemus illorum abstrinendam, illorum quotidiana ieiunia. Multi carnem, multi vinum gustare noluerunt, dum in cælesti regno diuinæ visionis dulcedine saturari cupiunt. Quosdam pane etiam abstinuisse legitimus, & maceratis aqua leguminibus vitam sustentasse, nihil coctum comedisse. Alios herbis crudis radicibusq; contentos fuisse. Alios vero per bidduum, per triduum, per dies plures nihil degustasse. Non hoc dico ut cibis ac potu a deo creatis, ut nefas putem, sed ut eos qui carnibus etiam vinoque viciant, ab ingluuie mortifera compescam. Vescere igitur alimentis ab ecclesia non interdictis, vinum que dilutum bibe, non tamen ad voluptatem, sed ad corporis necessariam sustentationem. Vitæ inquam viciu, quo isti qui tecum in monasterio sunt vtuntur, cum abstinent, abstine, cum ieiunant, ieiuna, & semper ad memoriam reuoca, ideo te monachalem vitam elegisse, ut deo famuleris, non ut ventri seruas.

## De tactu. Cap. XXIII.

1. Cor. 7.

**T**actus postremo nostri synceritatem seruare poterimus, si ab his quæ rerum prohibitarum cupiditatem prouocare consueuerunt, manus continebimus. Bonum est homini (ut ait Paulus apostolus) mulierem non tangere. Nam si venusta forma mulierem intuendo periclitatur pudicitia, & si magis adhuc cum ea colloquendo, quanto plus periculi imminere credis, si post hæc neq; a tactu ipso temperas? Profecto nihil aliud restat, nisi ut vterq; inter vos excitatæ consentiat cupidini, & par amborum voluntas ad perpetrandum illicitæ coniunctionis crimen feratur. Quod si manum cohibueris, ne tangas, tantum tibi conferet ista continentia, ut per oculos conceptum, per affatum auctum obscenæ cupiditatis ardorem languescere paulatim &